

魏其武安侯列傳

先標魏其

魏其侯竇嬰者孝文后從兄子也父世觀津人喜賓客孝文時嬰爲吳相病免孝景初卽位爲詹事梁孝王者孝景弟也其母竇太后愛之梁孝王朝因昆弟燕飲是時上未立太子酒酣從容言曰千秋之後傳梁王太后驪竇嬰引卮酒進上曰天下者高祖之天下父子相傳此漢之約也上何以得擅傳梁王太后由此憎竇嬰竇嬰亦薄其官因病免太后除竇嬰門籍功矣

嬰信賢令曾

孫憲承此旨

方自喜於天

子戚屬親就

梁王圖定策

功矣

不得入朝。諱孝景三年，吳楚反，上察宗室諸竇母如
竇嬰賢，乃召嬰。嬰入見，固辭謝病，不足任。太后亦慙。
於是上曰：「天下方有急，王孫寧可以讓邪？」乃拜嬰爲
大將軍，賜金千斤。嬰乃言：「袁盎樂布諸名將，賢士在
家者，進之所賜金，陳之廊廡下。軍吏過，輒令財取爲
用，金無入家者。」竇嬰守滎陽，監齊趙兵，七國兵已盡
破，封嬰爲魏其侯。諸游士賓客爭歸魏其侯。孝景時，
每朝議大事，條侯、魏其侯、諸列侯莫敢與亢禮。孝景

四年立栗太子使魏其侯爲太子傅孝景七年栗太子廢魏其數爭不能得魏其侯謝病屏居藍田南山之下數月諸賓客辯士說之莫能來梁人高遂乃說魏其曰能富貴將軍者上也能親將軍者太后也今將軍傳太子太子廢而不能爭爭不能得又不能成自引謝病擁趙女屏閒處而不朝相提而論是自明揚主上之過有如兩宮螫將軍則妻子毋類矣魏其侯然之乃遂起朝請如故桃侯免相竇太后數言魏

其侯孝景帝曰太后豈以爲臣有愛不相魏其魏其者沾沾自喜耳多易難以爲相持重遂不用用建陵侯衛綰爲丞相

本著武安罪
而傳終主魏
其

武安侯田蚡者孝景后同母弟也生長陵魏其已爲大將軍後方盛蚡爲諸郎未貴往來侍酒魏其跪起如子姪及孝景晚節蚡益貴幸爲太中大夫蚡辯有口學槃孟諸書王太后賢之孝景崩即日太子立稱制所鎮撫多有田蚡賓客計策蚡弟田勝皆以太后

籍福性柔忍
故每欲爲人
息爭解紛

第孝景後三年封盼爲武安侯勝爲周陽侯武安侯
新欲用事爲相卑下賓客進名士家居者貴之欲以
○誅○心○
傾魏其諸將相建元元年丞相綰病免上議置丞相
太尉籍福說武安侯曰魏其貴久矣天下士素歸之
今將軍初興未如魏其卽上以將軍爲丞相必讓魏
其魏其爲丞相將軍必爲太尉太尉丞相尊等耳又
有讓賢名武安侯乃微言太后風上於是乃以魏其
侯爲丞相武安侯爲太尉籍福賀魏其侯因弔曰君

侯資性喜善疾惡方今善人譽君侯故至丞相然君侯且疾惡惡人衆亦且毀君侯君侯能兼容則幸久不能今以毀去矣魏其不聽魏其武安俱好儒術推轂趙綰爲御史大夫王臧爲郎中令迎魯申公欲設明堂令列侯就國除關以禮爲服制以興太平舉適諸竇宗室毋節行者除其屬籍時諸外家爲列侯列侯多尚公主皆不欲就國以故毀日至竇太后太后好黃老之言而魏其武安趙綰王臧等務隆推儒術

貶道家言是以竇太后滋不說魏其等及建元二年
御史大夫趙綰請無奏事東宮竇太后大怒乃罷逐
趙綰王臧等而免丞相太尉以相至侯許昌爲丞相
武彊侯莊青翟爲御史大夫魏其武安由此以侯家
居武安侯雖不任職以王太后故親幸數言事多效
天下吏士趨勢利者皆去魏其歸武安武安日益橫
建元六年竇太后崩丞相昌御史大夫青翟坐喪事
不辦免以武安侯蚡爲丞相以大司農韓安國爲御

綜諸絲入慈
法

遇下侶

侵上權

傲甚矣

史大夫、天下士、郡國諸侯、愈益附武安。武安者、貌侵、生貴甚。又以爲諸侯王多長上。初卽位、富於春秋、蚡以肺腑爲京師祖、非痛折節以禮調之、天下不肅。當是時、丞相入奏事、坐語移日、所言皆聽。薦人或起家至二千石、權移主上。上乃曰、君除吏已盡未、吾亦欲除吏。寧請考工地益宅。上怒曰、君何不遂取武庫、是後乃退。寧召客飲、坐其兄蓋侯南鄉、自坐東鄉、以爲漢相尊、不可以兄故私橈。武安由此滋驕、治宅甲諸

文貪

第田園極膏腴而市買郡縣器物相屬於道前堂羅鐘鼓立曲旃後房婦女以百數諸侯奉金玉狗馬玩好不可勝數魏其失竇太后益䟽不用無勢諸客稍稍自引而怠傲唯灌將軍獨不失故魏其日默默不得志而獨厚遇灌將軍

綴下

運入灌夫

灌將軍夫者潁陰人也夫父張孟嘗爲潁陰侯嬰舍人得幸因進之至二千石故蒙灌氏姓爲灌孟吳楚反時潁陰侯灌何爲將軍屬太尉請灌孟爲校尉夫

信義慨然亦
輕自用故其
道殺身

以千人與父俱灌孟年老賴陰侯彊請之鬱鬱不得
意故戰常陷堅遂歿吳軍中軍法父子俱從軍有歿
事得與喪歸灌夫不肯隨喪歸奮曰願取吳王若將
軍頭以報父之讐於是灌夫被甲持戟募軍中壯士
所善願從者數十人及出壁門莫敢前獨二人及從
奴十數騎馳入吳軍至吳將麾下所殺傷數十人不
得前復馳還走入漢壁皆亡其奴獨與一騎歸夫身
中大創十餘適有萬金良藥故得無歿夫創少瘳父

直好名稱

復請將軍曰吾益知吳壁中曲折請復往將軍壯義之恐亾夫乃言太尉太尉乃固止之吳已破灌夫以此名聞天下潁陰侯言之上上以夫爲中郎將數月坐法去後家居長安長安中諸公莫弗稱之孝景時至代相孝景崩今上初卽位以爲淮陽天下交勁其處故徙夫爲淮陽太守建元元年入爲太僕二年夫與長樂衛尉竇甫飲輕重不得夫醉搏甫甫竇太后昆弟也上恐太后誅夫徙爲燕相數歲坐法去官家

乃亦橫如是
足殺身

居長安。灌夫爲人剛直，使酒，不好面諛貴戚。諸有勢
在已之右，不欲加禮，必陵之。諸士在已之左，愈貧賤，
尤益敬與鈞。稠人廣衆，薦寵下輩。士亦以此多之。夫
不喜文學，好任俠。已然諾，諸所與交通，無非豪傑大
猾，家累數千萬。食客日數十百人。陂池田園，宗族賓
客，爲權利橫於潁川。潁川兒乃歌之曰：潁水清，灌氏
寧。潁水濁，灌氏族。灌夫家居雖富，然失勢，卿相待中
賓客益衰。及魏其侯失勢，亦欲倚灌夫，引繩批根生。

長

大誤
豈可發開機

貴人過何重
輕乃爾爲

平慕之後棄之者灌夫亦倚魏其而通列侯宗室爲
名高兩人相爲引重其游如父子然相得驩甚無厭
恨相知晚也灌夫有服過丞相丞相從容曰吾欲與
仲孺過魏其侯會仲孺有服灌夫曰將軍乃肯幸臨
況魏其侯夫安敢以服爲解請語魏其侯帳具將軍
旦日蚤臨武安許諾灌夫具語魏其侯如所謂武安
侯魏其與其夫人益市牛酒夜灑掃早帳具至旦平
明令門下候伺至日中丞相不來魏其謂灌夫曰丞

驕蹇狀如在
目

又誤前何恭
公何偁耶

相登忘之哉。灌夫不懌曰：夫以服請，宜往。乃駕自往迎丞相。丞相特前戲許灌夫，殊無意往。及夫至門，丞相尚臥。於是夫人見曰：將軍昨日幸許過魏其，魏其夫妻治具，自旦至今未敢嘗食。武安鄂謝曰：吾昨日醉，忽忘與仲孺言，乃駕往。又徐行，灌夫愈益怒。及飲酒酣，夫起舞屬丞相，丞相不起。夫從坐上語侵之。魏其乃扶灌夫去，謝丞相。丞相卒飲至夜，極驪而去。丞相嘗使籍福請魏其城南田，魏其大望曰：老僕雖棄

做籍福大難
湏大忍性

事見後挿入
如

短

將軍雖貴寧可以勢奪乎不許灌夫聞怒罵籍福籍
福惡兩人有郤乃謾自好謝丞相曰魏其老且死易
忍且待之已而武安聞魏其灌夫實怒不予田亦怒
曰魏其子掌殺人蚡活之蚡事魏其無所不可何愛
數頃田且灌夫何與也吾不敢復求田武安由此大
怨灌夫魏其元光四年春丞相言灌夫家在潁川橫
甚民苦之請案上曰此丞相事何請灌夫亦持丞相
陰事爲姦利受淮南王金與語言賓客居間遂止俱

長

遠避且不免
奈何適火坑

乎

眼孔淺此常
事何異

似屬之時且
爲句謂丞相
貴人又屬令
得時諷切其

解夏丞相取燕王女爲夫人有太后詔召列侯宗室
皆往賀魏其侯過灌夫欲與俱夫謝曰夫數以酒失
得過丞相丞相今者又與夫有郤魏其曰事已解疆
與俱飲酒醢武安起爲壽坐皆避席伏已魏其侯爲
壽獨故人避席耳餘半膝席灌夫不悅起行酒至武
安武安膝席曰不能蒲觴夫怒因嘻笑曰將軍貴人
也屬之時武安不肯行酒次至臨汝侯臨汝侯方與
程不識耳語又不避席夫無所發怒乃罵臨汝侯曰

便轉耳

分明寫坐語

激李將軍怒

灌

姑即罵坐爲
罪使縛即前

生平與程不識不值一錢今日長者爲壽乃效女兒
咕囁耳語武安謂灌夫曰程李俱東西宮衛尉今衆
辱程將軍仲孺獨不爲李將軍地乎灌夫曰今日斬
頭陷胃何知程李乎坐乃起更衣稍稍去魏其侯去
麾灌夫出武安遂怒曰此吾驕灌夫罪乃令騎留灌
夫灌夫欲出不得籍福起爲謝案灌夫項令謝夫愈
怒不肯謝武安乃麾騎縛夫置傳舍召長史曰今日
召宗室有詔劾灌夫罵坐不敬繫居室遂按其前事

事可按少遲
將復理前陰
事不得按夫

入魏其

遣吏分曹逐捕諸灌氏支屬皆得棄市罪魏其侯大
媿爲資使賓客請莫能解武安吏皆爲耳目諸灌氏
皆亡匿夫繫遂不得告言武安陰事魏其銳身爲救
灌夫夫人諫魏其曰灌將軍得罪丞相與太后家忤
寧可救邪魏其侯曰侯自我得之自我捐之無所恨
且終不令灌仲孺獨歟嬰獨生乃匿其家竊出上書
立召入具言灌夫醉飽事不足誅上然之賜魏其食
曰東朝廷辯之魏其之東朝盛推灌夫之善言其醉

惜也轉移有
機而未能抵

也當認屬於

上斷得脫即

已至東朝豈
能與丞相爭
事哉

直傾危之言
敢犯帝所忌
惡

意欲解紛

飽得過乃丞相以他事誣罪之武安又盛毀灌夫所
為橫恣罪逆不道魏其度不可奈何因言丞相短武
安曰天下幸而安樂無事蚡得為肺腑所好音樂狗
馬田宅蚡所愛倡優巧匠之屬不如魏其灌夫日夜
招聚天下豪傑壯士與論議腹腴而心謗不仰視天
而俯畫地辟倪兩宮間幸天下有變而欲有大功臣
乃不知魏其等所為於是上問朝臣兩人孰是御史
大夫韓安國曰魏其言灌夫父死事身荷戟馳入不

測之吳軍身被數十創名冠三軍此天下壯士非有大惡爭杯酒不足引他過以誅也魏其言是也丞相亦言灌夫通姦猾侵細民家累巨萬橫恣潁川陵轢宗室侵犯骨肉此所謂枝大於本脰大於股不折必披丞相言亦是唯明主裁之主爵都尉汲黯是魏其內史鄭當時是魏其後不敢堅對餘皆莫敢對上怒

於東朝辨帝

終私武安

終嚴主爵釋

不怒而發怒

內史

內史曰公平生數言魏其武安長短今日廷論局趣效轅下駒吾弁斬若屬矣即罷起入上食太后太后

亦已使人候伺具以告太后太后怒不食曰今我在也而人皆藉吾弟令我百歲後皆魚肉之矣且帝寧能爲石人邪此特帝在即錄錄設百歲後是屬寧有可信者乎上謝曰俱宗室外家故廷辯之不然此一獄吏所決耳是時即中令石建爲上分別言兩人事

冷挿若爲忘之復記者

武安已罷朝出止車門召韓御史大夫載怒曰與長孺共一老秃翁何爲首鼠兩端韓御史良久謂丞相曰君何不自喜夫魏其毀君君當免冠解印綬歸曰

退一步便別

臣以肺腑幸得待罪固非其任魏其言皆是如此上
必多君有讓不廢君魏其必內愧杜門辭舌自殺今
人毀君君亦毀人譬如賈豎女子爭言何其無大體
也武安謝罪曰爭時急不知出此於是上使御史簿
責魏其所言灌夫頗不讎欺謾劾繫都司空孝景時
魏其常受遺詔曰事有不便以便宜論上及繫灌夫
罪至族事日急諸公莫敢復明言於上魏其乃使昆
弟子上書言之幸得復召見書奏上而案尚書大行

前所語陰事
謂此

無遺詔。詔書獨藏魏其家。家丞封乃劾魏其矯先帝
詔罪。當棄市。五年十月，悉論灌夫及家屬。魏其良久，
乃聞，聞即患病，不食欲。或聞上無意殺魏其，魏
其復食。治病，議定不處矣。乃有蜚語，爲惡言聞上，故
以十二月晦論棄市。渭城其春，武安侯病，專呼服謝
罪，使巫視鬼者視之，見魏其灌夫共守，欲殺之，竟死。

神前事

子恬嗣。元朔二年，武安侯坐衣襜褕入宮，不敬，淮南
王安謀反覺治。王前朝，武安侯爲太尉時迎王至霸

二事史遷親

目擊故叙述

各各有生氣

恨小事不覺

多識耳

又糾其夫

蔡左武安

上謂王曰上未有太子大王最賢高祖孫即宮車晏
駕非大王立當誰哉淮南王大喜厚遺金財物上自
魏其時不直武安特爲太后故耳及聞淮南王金事
上曰使武安侯在者族矣

太史公曰魏其武安皆以外戚重灌夫用一時決策
而名顯魏其之舉以吳楚武安之貴在日月之際然

○右○魏○其○

魏其誠不知時變灌夫無術而不遜兩人相翼乃成

禍亂武安負貴而好權杯酒責望陷彼兩賢嗚呼哀

哉遷怒及人命亦不延衆庶不載竟被惡言嗚呼哀
哉禍所從來矣

反覆太息結用二嗚呼哀哉致意

男
言
日
糸

不
急
十
三

衛將軍驃騎列傳

大將軍衛青者平陽人也其父鄭季爲吏給事平陽侯家與侯妾衛媼通生青青同母兄衛長子而姊衛子夫自平陽公主家得幸天子故冒姓爲衛氏字仲卿長子更字長君長君母號爲衛媼媼長女衛孺次女少兒次女卽子夫後子夫男第步廣皆冒衛氏青爲侯家人少時歸其父其父使牧羊先母之子皆奴畜之不以爲兄弟數青嘗從入至其泉居室有一鉗

倚伏相薄
如此

徒相青曰貴人也官至封侯青笑曰人奴之生得毋
笞罵卽足矣安得封侯事乎青壯爲侯家騎從平陽
主建元二年春青姊子夫得入宮幸上皇后堂邑大
長公主女也無子嬀大長公主聞衛子夫幸有身妬
之乃使人捕青青時給事建章未知名大長公主執
囚青欲殺之其友騎卽公孫敖與壯士篡取之以故
得不死上聞乃召青爲建章監侍中及同母昆弟貴
賞賜數日間累千金孺爲太僕公孫賀妻少兒故與

記得醜

陳掌通上召貴掌公孫敖由此益貴子夫爲夫人青
爲太中大夫元光五年青爲車騎將軍擊匈奴出上
谷太僕公孫賀爲輕車將軍出雲中太中大夫公孫
敖爲騎將軍出代郡衛尉李廣爲驍騎將軍出鴈門
軍各萬騎青至籠城斬首虜數百騎將軍敖亡七千
騎衛尉李廣爲虜所得脫歸皆當斬贖爲庶人賀
亦無功元朔元年春衛夫人有男立爲皇后其秋青
爲車騎將軍出鴈門三萬騎擊匈奴斬首虜數千人

明年匈奴入殺遼西太守虜略漁陽二千餘人敗韓將軍軍漢令將軍李息擊之出代令車騎將軍青出雲中以西至高闕遂略河南地至于隴西捕首虜數千畜數十萬徙白羊樓煩王遂以河南地爲朔方郡以三千八百戶封青爲長平侯青校尉蘇建有功以千一百戶封建爲平陵侯使建築朔方城青校尉張次公有功封爲岸頭侯天子曰匈奴逆天理亂人倫暴長虐老以盜竊爲務行詐諸蠻夷造謀籍兵數爲

必記匈奴入
塞事明殺傷
略相當與伺
奴傳令

邊害故興師遣將以征厥罪詩不云乎薄伐獫狁至
于太原出車彭彭城彼朔方今車騎將軍青度西河
至高關獲首虜二千三百級車輜畜產畢收爲鹵已
封爲列侯遂西定河南地按榆谿舊塞絕梓領梁北
河討蒲泥破符離斬輕銳之卒捕伏聽者三千七十
一級執訊獲醜驅馬牛羊百有餘萬全甲兵而還益
封青三千戶其明年匈奴入殺代郡太守友人略鴈
門千餘人其明年匈奴大入代定襄上郡殺略漢數

千人其明年元朔之五年春漢令車騎將軍青將三
萬騎出高闕衛尉蘇建爲游擊將軍左內史李沮爲
彊弩將軍太僕公孫賀爲騎將軍代相李蔡爲輕車
將軍皆領屬車騎將軍俱出朔方大行李息岸頭侯
張次公爲將軍出右北平咸擊匈奴匈奴右賢王當
衛青等兵以爲漢兵不能至此飲醉漢兵復至圍右
賢王右賢王驚夜逃獨與其愛妾一人壯騎數百馳
潰圍北去漢輕騎校尉郭成等逐數百里不及得右

推功於下然
不露乞封意
猶辭令遺風

賢神王十餘人衆男女萬五千餘人畜數千百萬於是引兵而還至塞天子使使者持大將軍印即軍中拜車騎將軍青爲大將軍諸將皆以兵屬大將軍大將軍立號而歸天子曰大將軍青躬率戎士師大捷獲匈奴王十有餘人益封青六千戶而封青子伉爲宜春侯青子不疑爲陰安侯青子登爲發干侯青固謝曰臣幸得待罪行間賴陛下神靈軍大捷皆諸校尉力戰之功也陛下幸已益封臣青臣青子在襁褓

中未有勤勞上幸列地封爲三侯非臣待罪行間所以勸士力戰之意也伉等三人何敢受封天子曰我非忘諸校尉功也今固且圖之乃詔御史曰護軍都尉公孫敖三從大將軍擊匈奴常護軍傳校獲王以千五百戶封敖爲合騎侯都尉韓說從大將軍出窳渾至匈奴右賢王庭爲麾千搏戰獲王以千三百戶封說爲龍額侯騎將軍公孫賀從大將軍獲王以千三百戶封賀爲南窳侯輕車將軍李蔡再從大將軍

以上分詳以下合畧

獲王以千六百戶封蔡爲安樂侯校尉李朔校尉趙
不虞校尉公孫戎奴各三從大將軍獲王以千三百
戶封朔爲涉軹侯以千三百戶封不虞爲隨成侯以
千三百戶封戎奴爲從平侯將軍李沮李息及校尉
豆如意有功賜爵關內侯食邑各三百戶其秋匈奴
入代殺都尉朱英其明年春大將軍青出定襄合騎
侯敖爲中將軍太僕賀爲左將軍翁侯趙信爲前將
軍衛尉蘇建爲右將軍卽中令李廣爲後將軍左內

爛然陳法守
義可觀

史李沮爲彊弩將軍咸屬大將軍斬首數千級而還
月餘悉復出定襄擊匈奴斬首虜萬餘人右將軍建
前將軍信并軍三千餘騎獨逢單于其與戰一日餘
漢兵且盡前將軍故胡人降爲翕侯見急匈奴誘之
遂將其餘騎可八百犇降單于右將軍蘇建盡亡其
軍獨以身得亡去自歸大將軍大將軍問其罪正閔
長史安議卽周霸等建當云何霸曰自大將軍出未
嘗斬裨將今建棄軍可斬以明將軍之威閔安曰不

意遠

議最然其法小敵之堅大敵之禽也今建以數千當單于
數萬力戰一日餘士盡不敢有二心自歸自歸而斬
之是示後無反意也不當斬大將軍曰青幸得以肺
腑待罪行間不患無威而霸說我以明威甚失臣意
且使臣職雖當斬將以臣之尊寵而不敢自擅專誅
於境外而具歸天子天子自裁之於是以見爲人臣
不敢專權不亦可乎軍吏皆曰善遂囚建詣行在所
入塞罷兵是歲也大將軍姊子霍去病年十八幸爲

天子侍中善騎射、再從大將軍、大將軍受詔、與壯士
爲剽姚校尉、與輕勇騎八百、直棄大軍數百里、赴利、
斬捕首虜過當、於是天子曰、剽姚校尉去病、斬首虜
二千二十八級、及相國當戶、斬單于大父行、籍若侯
產、生捕季父羅姑比、再冠軍、以千六百戶封去病爲
冠軍侯、上谷太守郝賢、四從大將軍、捕斬首虜二千
餘人、以千一百戶封賢爲衆利侯、是歲失兩將軍軍、
亡翁侯、軍功不多、故大將軍不益封、右將軍建至天

子不誅赦其罪贖爲庶人。大將軍旣還，賜千金。是時王夫人方幸於上，甯乘說大將軍曰：「將軍所以功未甚多，身食萬戶，三子皆爲侯者，徒以皇后故也。今王夫人幸而宗族未富貴，願將軍奉所賜千金爲王夫人親壽。」大將軍乃以五百金爲壽。天子聞之，問大將軍。大將軍以實言。上乃拜甯乘爲東海都尉，張騫從大將軍，以嘗使大夏，留匈奴中久，導軍知善水草處，軍得以無饑渴，因前使絕國功，封騫博望侯，冠軍侯。

去病既侯三歲元狩二年春以冠軍侯去病爲驃騎將軍將萬騎出隴西有功天子曰驃騎將軍率戎士踰烏緄討遼濮涉狐奴歷五王國輜重人衆懾懾者弗取冀獲單于子轉戰六日過焉支山千有餘里谷短兵殺折蘭王斬盧胡王誅全甲執渾邪王子及相國都尉首虜八千餘級收休屠祭天金人益封去病二千戶其夏驃騎將軍與合騎侯敖俱出北地異道博望侯張騫卽中令李廣俱出右北平異道皆擊匈奴

奴即中令將四千騎先至，博望侯將萬騎在後至。匈奴左賢王將數萬騎圍中令，即中令與戰二日，死者過半，所殺亦過當。博望侯至，匈奴兵引去。博望侯坐行留，當斬，贖爲庶人。而驃騎將軍出北地，已遂深入，與合騎侯失道，不相得。驃騎將軍踰居延，至祁連山，捕會虜甚多。天子曰：「驃騎將軍踰居延，遂過小月氏，攻祁連山，得會涂王，以衆降者二千五百人，斬首虜三萬二百級，獲五王、五王母、單于闐氏、王子五十。」

九人相國將軍當戶都尉六十三人師大率減什三、
益封去病五千戶、賜校尉從至小月氏爵左庶長、鷹
擊司馬破奴再從驃騎將軍斬遼濮王、捕稽且王、千
騎將得王、王母各一人、王子以下四十一人、捕虜三
千三百三十人、前行捕虜千四百人、以千五百戶封
破奴爲從驃侯、校尉句王高不識從驃騎將軍捕呼
于屠王、王子以下十一人、捕虜千七百六十八人、以
千一百戶封不識爲宜冠侯、校尉僕多有功、封爲輝

渠侯合騎侯敖坐行留不與驃騎會當斬贖爲庶人
諸宿將所將士馬兵亦不如驃騎驃騎所將常選然
亦敢深入常與壯騎先其大將軍軍亦有天幸未嘗
困絕也然而諸宿將常坐留落不遇由此驃騎日以
親貴比大將軍其秋單于怒渾邪王居西方數爲漢
所破亡數萬人以驃騎之兵也單于怒欲召誅渾邪
王渾邪王與休屠王等謀欲降漢使人先遣使向邊
境要遮漢人令報天子要邊是時大行李息將城河

上得渾邪王使，即馳傳以聞。天子聞之，於是恐其以詐降而襲邊，乃令驃騎將軍將兵往迎之。驃騎既渡河，與渾邪王衆相望。渾邪王裨將見漢軍而多欲，不降者，頗遁去。驃騎乃馳入與渾邪王相見，斬其欲亡者八千人，遂獨遣渾邪王乘傳先詣行在所，盡將其衆渡河，降者數萬，號櫛十萬。既至長安，天子所以賞賜者數十巨萬，封渾邪王萬戶，爲漯陰侯，封其裨王呼毒尼爲下摩侯，鷹庇爲輝渠侯，禽梨爲河綦侯，大

當戶銅離爲常樂侯於是天子嘉驃騎之功曰驃騎將軍去病率師攻匈奴西域王渾邪王及厥衆萌咸相犇率以軍糧接食并將控弦萬有餘人誅獍驩獲首虜八千餘級降異國之王三十二人戰士不離傷十萬之衆咸懷集服仍與之勞爰及河塞庶幾無患幸旣永綏矣以千七百戶益封驃騎將軍滅隴西北地上郡戍卒之半以寬天下之繇居頃之乃分徙降者○邊○五○郡○故○塞○外○而○皆○在○河○南○因○其○故○俗○爲○屬○國○其

終欲驃騎當
單于佐之劉
軍欲成其功

明年匈奴入右北平定襄殺略漢千餘人其明年天子與諸將議曰翁侯趙信爲單于畫計常以爲漢兵不能度幕輕留今大發士卒其勢必得所欲是歲元狩四年也元狩四年春上令大將軍青驃騎將軍去病將各五萬騎步兵轉者踵軍數十萬而敢力戰深入之士皆屬驃騎驃騎始爲出定襄當單于捕虜言單于東乃更令驃騎出代郡令大將軍出定襄卽中令爲前將軍太僕爲左將軍主爵趙食其爲右將軍

奇正具如律

平陽侯襄爲後將軍，皆屬大將軍。兵卽度幕，人馬凡五萬騎，與驃騎等咸擊匈奴。單于趙信爲單于謀曰：漢兵旣度幕，人馬罷，匈奴可坐收虜耳。乃悉遠北，其輜重皆以精兵待幕北，而適值大將軍軍，出塞千餘里，見單于兵陳而待。於是大將軍令武剛車自環爲營，而縱五千騎往當匈奴。匈奴亦縱可萬騎會，日且入，大風起，砂礫擊面，兩軍不相見。漢益縱左右翼繞單于，單于視漢兵多，而士馬尚彊，戰而匈奴不利，薄

叙大將軍功
餘

暮單于遂乘六羸壯騎可數百直冒漢圍西北馳去時已昏漢匈奴相紛拏殺傷大當漢軍左校捕虜言單于未昏而去漢軍因發輕騎夜追之大將軍軍因隨其後匈奴兵亦散走遲明行二百餘里不得單于頗捕斬首虜萬餘級遂至寘顏山趙信城得匈奴積粟食軍軍留一日而還悉燒其城餘粟以歸天將軍之與單于會也而前將軍廣右將軍食其軍別從東道或失道後擊單于大將軍引還過幕南乃得前將

軍右將軍、大將軍欲使使歸報、令長史簿責前將軍
廣、廣自殺。右將軍至下吏、贖爲庶人。大將軍軍入塞、
凡斬捕首虜萬九千級。是時匈奴衆失單于、十餘日、
右谷蠡王聞之、自立爲單于。單于後得其衆、右王乃
去單于之號。驃騎將軍亦將五萬騎、車重與大將軍
軍等、而無裨將。悉以李敢等爲大校、當裨將。出代右
比平千餘里、直左方兵。所斬捕功已多。大將軍軍旣
還、天子曰、驃騎將軍去病率師躬將所獲輦粥之士、

約輕齎絕大幕涉獲章渠以誅比車者轉擊左大將
斬獲旗鼓歷涉離侯濟弓間獲屯頭王韓王等三人
將軍相國當戶都尉八十三人封狼居胥山禪於姑
衍登臨翰海執鹵獲醜七萬有四百四十三級師率
減什三取食於敵遑行殊遠而糧不絕以五千八百
戶益封驃騎將軍右北平太守路博德屬驃騎將軍
會與城不失期從至橐余山斬首捕虜二千七百級
以千六百戶封博德爲符離侯北地都尉邢山從驃

詔叙驃騎詳

大將軍覆客

騎將軍獲王以千二百戶封山爲義陽侯故歸義因
淳王復陸支樓專王伊即軒皆從驃騎將軍有功以
千三百戶封復陸支爲壯侯以千八百戶封伊即軒
爲衆利侯從驃侯破奴昌武侯安稽從驃騎有功益
封各三百戶校尉敢得旗鼓爲關內侯食邑二百戶
校尉自爲爵大庶長軍吏卒爲官賞賜甚多而大將
軍不得益封軍吏卒皆無封侯者兩軍之出塞塞閼
官及私馬凡十四萬匹而復入塞者不滿三萬匹乃

連絡三將各有條

益置大司馬位大將軍驃騎將軍皆爲大司馬定令
令驃騎將軍秩祿與大將軍等自是之後大將軍青
日退而驃騎日益貴舉大將軍故人門下多去事驃
騎輒得官爵唯任安不肯驃騎將軍爲人少言不泄
有氣敢任天子嘗欲教之孫吳兵法對曰顧方略何
如耳不至學古兵法天子爲治第令驃騎視之對曰
匈奴未滅無以家爲也由此上益重愛之然少而侍
中貴不省士其從軍天子爲遣太官齎數十乘旣還

系隱曰鞠戲
以皮爲之中
實以毛薺踢
爲戲也

重車餘棄梁肉而士有饑者其在塞外卒乏糧或不
能自振而驃騎尚穿域蹋鞠事多此類大將軍爲人
仁善退讓以和柔自媚於上然天下未有稱也驃騎
將軍自四年軍後三年元狩六年而卒天子悼之發
屬國玄甲軍陳自長安至茂陵爲冢像祁連山謚之
并武與廣地曰景桓侯子嬪代侯嬪少字子侯上愛
之幸其壯而將之居六歲元封元年嬪卒謚哀侯無
子絕國除目驃騎將軍死後大將軍長子宜春侯伉

坐法失侯。後五歲，伉第二人陰安侯不疑。及發于侯登，皆坐酎金失侯。失侯後二歲，冠軍侯國除。其後四年，大將軍青卒，謚爲烈侯。子伉代爲長平侯。自大將軍圍單于之後，十四年而卒，竟不復擊匈奴者。以漢馬少，而方南誅兩越，東伐朝鮮，擊羌西南夷，以故久不伐胡。大將軍以其得尚平陽公主，故長平侯伉代侯。六歲，坐法失侯。左右兩大將軍及諸裨將名最大。

後二將軍一最字羅絡整

將軍青凡七出擊匈奴，斬首捕虜五萬餘級，一與單

然

于戰收河南地遂置朔方郡再益封凡萬一千八百
戶封三子爲侯侯千三百戶并之萬五千七百戶其
校尉裨將以從大將軍侯者九人其裨將及校尉已
爲將者十四人爲裨將者曰李廣自有傳無傳者曰
將軍公孫賀賀義渠人其先胡種賀父渾邪景帝時
爲平曲侯坐法失侯賀武帝爲太子時舍人武帝立
八歲以太僕爲輕車將軍軍馬邑後四歲以輕車將
軍出雲中後五歲以騎將軍從大將軍有功封爲南

竊侯後一歲以左將軍再從大將軍出定襄無功後四歲以坐酎金失侯後八歲以浮沮將軍出五原二千餘里無功後八歲以太僕爲丞相封葛繹侯賀七爲將軍出擊匈奴無大功而再侯爲丞相坐子敬聲與陽石公主奸爲巫蠱族滅無後

將軍李息郁郅人事景帝至武帝立八歲爲材官將軍軍馬邑後六歲爲將軍出代後三歲爲將軍從大將軍出朔方皆無功凡三爲將軍其後常爲大行

將軍公孫敖義渠人以卽事武帝武帝立十二歲爲
驃騎將軍出代亡卒七千人當斬贖爲庶人後五歲
以校尉從大將軍有功封爲合騎侯後一歲以中將
軍從大將軍再出定襄無功後二歲以將軍出北地
後驃騎期當斬贖爲庶人後二歲以校尉從大將軍
無功後十四歲以因杆將軍築受降城七歲復以因
杆將軍再出擊匈奴至余吾亡士卒多下吏當斬詐
死亡居民間五六歲後發覺復繫坐妻爲巫蠱族凡

史記四續 卷十三
四爲將軍、出擊匈奴一侯、

將軍李沮、雲中人、事景帝、武帝立十七歲、以左內史爲彊弩將軍、後一歲復爲彊弩將軍、

將軍李蔡、成紀人也、事孝文帝、景帝、武帝、以輕車將軍從大將軍有功、封爲樂安侯、已爲丞相、坐法死、

將軍張敖、河東人、以校尉從衛將軍青有功、封爲岸頭侯、其後太后崩、爲將軍、軍北軍、後一歲爲將軍、從大將軍、再爲將軍、坐法失侯、次公父隆、輕車武射

也以善射景帝幸近之也

將軍蘇建杜陵人以校尉從衛將軍青有功爲平陵侯以將軍築朔方後四歲爲游擊將軍從大將軍出朔方後一歲以右將軍再從大將軍出定襄亡翕侯失軍當斬贖爲庶人其後爲代郡太守卒家在大猶鄉

將軍趙信以匈奴相國降爲翕侯武帝立十七歲爲前將軍與單于戰敗降匈奴

史記卷一百一十三
將軍張騫、以使通大夏、還爲校尉、從大將軍有功、封爲博望侯、後三歲爲將軍、出右北平、失期、當斬、贖爲庶人、其後使通烏孫、爲大行而卒、家在漢中、

將軍趙食其、祿祔人也、武帝立二十二歲、以主爵爲右將軍、從大將軍出定襄、迷失道、當斬、贖爲庶人、

將軍曹襄、以平陽侯爲後將軍、從大將軍出定襄、襄曹參孫也、

將軍韓說、字高侯、庶孫也、以校尉從大將軍有功、爲

龍領侯坐酎金失侯元鼎六年以待詔爲橫海將軍
擊東越有功爲按道侯以太初三年爲游擊將軍屯
於五原外列城爲光祿勳掘蠱太子宮衛太子殺之
將軍郭昌雲中人也以校尉從大將軍元封四年以
太中大夫爲拔胡將軍屯朔方還擊昆明無功奪印
將軍荀彘太原廣武人以御見侍中爲校尉數從大
將軍以元封三年爲左將軍擊朝鮮無功以捕樓船
將軍坐法死最驃騎將軍去病凡六出擊匈奴其四

出以將軍斬捕虜首十一萬餘級及渾邪王以衆降
數萬遂開河西酒泉之地西方益少胡寇四益封凡
萬五千一百戶其校吏有功爲侯者凡六人而後爲
將軍二人

將軍路博德平州人以右北平太守從驃騎將軍有
功爲符離侯驃騎死後博德以衛尉爲伏波將軍伐
破南越益封其後坐法失侯爲彊弩都尉屯居延卒
將軍趙破奴故九原人嘗亡入匈奴已而歸漢爲驃

騎將軍司馬出北地時有功封爲從驃侯坐酎金失
侯後一歲爲匈河將軍攻胡至匈河水無功後二歲
擊虜樓蘭王復封爲浞野侯後六歲爲浚稽將軍將
二萬騎擊匈奴左賢王左賢王與戰兵八萬騎圍破
奴破奴生爲虜所得遂沒其軍居匈奴中十歲復與
其太子安國入漢後坐巫蠱族
自衛氏興大將軍青曾封其後枝屬爲五侯凡二十
四歲而五侯盡奪衛氏無爲侯者

侯不以寵哉

太史公曰、蘇建語余曰、吾嘗責大將軍至尊重、而天下之賢大夫、稱焉、願將軍觀古名將所招、選擇賢者、勉之哉、大將軍謝曰、自魏其、武安之厚賓客、天子常切齒、彼親附士大夫、招賢、縮不肖者、人主之柄也、人臣奉法、遵職而已、何與招士、驃騎亦放此意、其爲將如此、

篇中大將軍驃騎將軍事錯綜成文而終主大將軍以大將軍畧終遠也然天子意常在驃騎將軍

李將軍列傳

原評此傳綜
叙其事實以
著其才畧意
氣之所以然
又旁及齊等
之得志以致
其崎世不平
之意讀之使
人感慨

李將軍廣者隴西成紀人也其先曰李信秦時爲將
逐得燕太子丹者也故槐里徙成紀廣家世世受射
孝文帝十四年匈奴大入蕭關而廣以良家子從軍
擊胡用善騎射殺首虜多爲漢中郎廣從弟李蔡亦
爲郎皆爲武騎常侍秩八百石嘗從行有所衝陷折
關及格猛獸而文帝曰惜乎子不遇時如令子當高
帝時萬戶侯豈足道哉及孝景初立廣爲隴西都尉

人感

之意

其

志

文

其

其

其

其

帝報萬口封豕最貴趙又奉景威立黃為劉西諸操

關又欲益趙而文帝曰當平于不戰却收令于當高

為唱習為友離常封其人百不嘗發台高而通劉其


舉財用善禍根雖會其多為戰中唱黃發余李蔡亦

李文帝十四年匈奴攻大人蕭關而黃以見宋子將軍

殺將燕太子丹昔此姑賊里野如詠韻宋世世受根

李將軍黃者劉西如詠人也其夫曰李詩秦封為將軍

軍李將軍使軒終遠也然天子意常在賜將軍



變の事

攀吳楚軍期前臨與各邑下以樂王封黃孫軍明
 封為魏明祖吳楚軍期黃孫魏魏魏魏魏魏魏魏

原評精神正
在重一前字

白馬將出峴
軍會有變故
殺之

曰前前未到匈奴陳二里所止令曰皆下馬解鞍其
騎曰虜多且近即有急奈何廣曰彼虜以我爲走今
皆解鞍以示不走用堅其意於是胡騎遂不敢擊有
白馬將出護其兵李廣上馬與十餘騎犇射殺胡白
馬將而復還至其騎中解鞍令士皆縱馬臥是時會
暮胡兵終怪之不敢擊夜半時胡兵亦以爲漢有伏
軍於旁欲夜取之胡皆引兵而去平旦李廣乃歸其
大軍大軍不知廣所之故弗從居久之孝景崩武帝

孟康曰以銅作鐃器受一

斗書炊飯食

夜擊持行名

曰刁斗荀悅

曰刁斗小鈴

如宮中傳夜

鈴也

省文書就善

水草自便可

無部伍行陣

何謂律哉

又用不識語

魯說一遍用

四然字作系

終

立左右以爲廣名將也於是廣以上郡太守爲未央衛尉而程不識亦爲長樂衛尉程不識故與李廣俱以邊太守將軍屯及出擊胡而廣行無部伍行陣就善水草屯舍止人人自便不擊刁斗以自衛莫府省約文書籍事然亦遠斥候未嘗遇害程不識正部曲行伍營陳擊刁斗士吏治軍簿至明軍不得休息然亦未嘗遇害不識曰李廣軍極簡易然虜卒犯之無以禁也而其士卒亦佚樂咸樂爲之歟我軍雖煩擾

挿

見崎世不遇

敗沒竟全有
通有畧答

然虜亦不得犯我是時漢邊郡李廣程不識皆爲名
將然匈奴畏李廣之略士卒亦多樂從李廣而苦程
不識程不識孝景時以數直諫爲太中大夫爲人廉
謹於文法後漢以馬邑城誘單于使大軍伏馬邑旁
谷而廣爲驍騎將軍領屬護軍將軍是時單于覺之
去漢軍皆無功其後四歲廣以衛尉爲將軍出鴈門
擊匈奴匈奴兵多破敗廣軍生得廣單于素聞廣賢
令曰得李廣必生致之胡騎得廣廣時傷病置廣兩

畸世不平

馬間絡而盛臥，廣行十餘里，廣伴成脫其旁，有一胡兒騎善馬，廣暫騰而上，胡兒馬因推墮，兒取其弓，鞭馬南馳，數十里，復得其餘軍，因引而入塞。匈奴捕者騎數百追之，廣行取胡兒弓，射殺追騎，以故得脫。於是至漢，漢下廣吏，吏當廣所失，亡多爲虜所生，得當斬，贖爲庶人。項之家居數歲，廣家與故潁陰侯孫屏野居藍田南山中，射獵，嘗夜從一騎出，從人田間飲，還至霸陵亭，霸陵尉醉呵止廣，廣騎曰：「故李將軍尉。」

射虎射石壯
武之極小事
大筆

曰今將軍尚不得行何乃故也止廣宿亭下居無
何匈奴入殺遼西太守敗韓將軍韓將軍後徙右比
平於是天子乃召拜廣爲右北平太守廣卽請霸陵
尉與俱至軍而斬之廣居右北平匈奴聞之號曰漢
之飛將軍避之數歲不敢入右北平廣出獵見草中
石以爲虎而射之中石沒鏃視之石也因復更射之
終不能復入石矣廣所居郡聞有虎嘗自射之及居
右北平射虎虎騰傷廣廣亦竟射殺之廣廉得賞賜

性

習

可悟學逾令

不專詎有成

戲

輒分其麾下飲食與士共之終廣之身爲二千石四十餘年家無餘財終不言家產事廣爲人長援臂其善射亦天性也雖其子孫他人學者莫能及廣廣訥口少言與人居則畫地爲軍陳射闊狹以飲專以射爲戲竟處廣之將矣之絕之處見水士卒不盡飲廣不近水士卒不盡食廣不啗食寬緩不苛士以此愛樂爲用其射見敵急非在數十步之內度不中不發發卽應弦而倒用此其將兵數困辱其射猛獸亦爲

所傷云。居頃之。石建卒。於是上召廣代建爲郎中令。
元朔六年。廣復爲後將軍。從大將軍軍出定襄。擊匈
奴。諸將多中。皆虜率以功爲侯者。而廣軍無功。後三
歲。廣以郎中令將四千騎出右北平。博望侯張騫將
萬騎與廣俱異道行。可數百里。匈奴左賢王將四萬
騎圍廣。廣軍士皆恐。廣乃使其子敢往馳之。敢獨與
數十騎馳直貫胡騎。出其左右而還。告廣曰。胡虜易
與耳。軍士乃安。廣爲圍陳外嚮。胡悉擊之。矢下如雨。

南都賦曰黃

間機張金琴

之名鄭德曰

黃肩琴酒中

黃朱之韋昭

曰角琴色黃

而體大也

可扼腕甚哉

法之不可格

年也

漢軍外者過半漢矢且盡廣乃令士持滿毋發而廣

身自以大黃射其裨將殺數人胡虜益解會日暮吏

士皆無人色而廣意氣自如益治軍軍中自是服其

勇也明日復力戰而博望侯軍亦至匈奴軍乃解去

漢軍罷歸能追是時廣軍幾沒罷歸漢法博望侯留

遲後期當死贖為庶人廣軍功自如無賞初廣之從

弟李蔡與廣俱事孝文帝景帝時蔡積功勞至二千

石孝武帝時至代相以元朔五年為輕車將軍從大

將軍擊右賢王有功，中率封爲樂安侯。元狩二年，中代公孫弘爲丞相，蔡爲人，在下中，名聲出廣下甚遠。然廣不得爵邑，官不過九卿，而蔡爲列侯，位至三公。諸廣之軍吏及士卒，或取封侯。廣嘗與望氣王朔燕語，曰：「自漢擊匈奴，而廣未嘗不在其中，而諸部校尉以下，才能不及中人，然以擊胡軍功取侯者數十人，而廣不爲後人。然無尺寸之功，以得封邑者，何也？豈吾相不當侯邪？且固命也？」朔曰：「將軍自念，豈嘗有所

可勸可戒不
直廣不候妻
孥子孫皆反
中奇禍殺降
之報宜烈矣

恨乎廣曰吾嘗爲隴西守羌嘗反吾誘而降降者八
百餘人吾詐而同日殺之至今大恨獨此耳朔曰禍
莫大於殺已降此乃將軍所以不得侯者也後二歲
大將軍驃騎將軍大出擊匈奴廣數自請行天子以
爲老弗許良久乃許之以爲前將軍是歲元狩四年
也廣旣從大將軍青擊匈奴旣出塞青捕虜知單于
所居乃自以精兵奄之而令廣弁於右將軍軍出東
道東道少回遠而大軍行水草少其勢不屯行廣自

慷慨甚

敖嘗篡取青
故於青有恩

可扼腕

請曰臣部爲前將軍今大將軍乃徙令臣出東道且
臣結髮而與匈奴戰今乃一得當單于臣願居前先
死單于大將軍青亦陰受上誡以爲李廣老數奇毋
令當單于恐不得所欲而是時公孫敖新失侯爲中
將軍從大將軍大將軍亦欲使敖與俱當單于故徙
前將軍廣廣時知之固自辭於大將軍大將軍不聽
令長史封書與廣之莫府曰急詣部如書廣不謝大
將軍而起行意甚愠怒而就部引兵與右將軍食其

音幕

數奇如此

已見入軍乃

後遣長史問

狀又遣構醪

又云報天子

曲折禮意辭

命頗有古遺

風

慷慨曾無半

言卑辭

合軍出東道軍亡導或失道後大將軍大將軍與單
于接戰單于遁走弗能得而還南絕幕遇前將軍右
將軍廣已見大將軍還入軍大將軍使長史持糒醪
遺廣因問廣食其失道狀青欲上書報天子軍曲折
廣未對大將軍使長史急責廣之幕府對簿廣曰諸
校尉無罪乃我自失道吾今自上簿至莫府廣謂其
麾下曰廣結髮與匈奴大小七十餘戰今幸從大將
軍出接單于兵而大將軍又徙廣部行回遠而又迷

失道豈非天哉。且廣年六十餘矣，終不能復對刀筆之吏。遂引刀自頸。廣軍士大夫一軍皆哭。百姓聞之，知與不知，無老壯，皆爲垂涕。而右將軍獨下吏當死，贖爲庶人。廣子三人曰：當戶、椒、敢。爲郎。天子與韓嫣戲，嫣少不遜。當戶擊嫣，嫣走。於是天子以爲勇。當戶早死，拜椒爲代郡太守。皆先廣死。當戶有遺腹子，名陵。廣死軍時，敢從驃騎將軍。廣死明年，李蔡以丞相坐侵孝景園墼地，當下吏治。蔡亦自殺，不對獄。國除。

大將軍度難
任

李敢以校尉從驃騎將軍擊胡左賢王，力戰奪左賢王鼓旗，斬首多，賜爵關內侯，食邑二百戶，代廣爲郎中。令頃之，怨大將軍青之恨其父，乃擊傷大將軍。大將軍匿諱之，居無何，敢從上雍，至甘泉宮獵，驃騎將軍去病與青有親，射殺敢。去病時方貴幸，上諱云鹿觸殺之，居歲餘，去病死，而敢有女爲太子中人，愛幸，敢男禹有寵於太子，然好利，李氏陵遲衰微矣。李陵既壯，選爲建章監，監諸騎，善射，愛士卒，天子以爲李

氏世將而使將八百騎、寧深入匈奴二千餘里、過居延、視地形、無所見、虜而還、拜爲騎都尉、將冊陽楚人五千人、教射酒泉、張掖、以屯衛胡、數歲、天漢二年秋、貳師將軍李廣利、將二萬騎、擊匈奴右賢王於祁連天山、而使陵將其射士步兵五千人、出居延北、可千餘里、欲以分匈奴兵、毋令專忤貳師也、陵旣至期、還而單于以兵八萬圍擊陵軍、陵軍五千人、兵矢旣盡、士灰者過半、而所殺傷匈奴亦萬餘人、且引且戰、連

武帝於李氏
勇力不酬而
法必用可謂
寡恩

闢八日，還未到居延百餘里，匈奴遮狹絕道，陵食乏而救兵不到，虜急擊，招降陵。陵曰：「無面目報陛下。」遂降匈奴。其兵盡沒，餘亡散得歸漢者四百餘人。單于既得陵，素聞其家聲，及戰又壯，乃以其女妻陵而貴之。漢聞族陵母妻子，自是之後，李氏名敗而隴西之士居門下者，皆用爲耻焉。

太史公曰：傳曰：「其身正，不令而行；其身不正，雖令不從。」其李將軍之謂也。余睹李將軍悛悛如鄙人，口不

能道辭及歿之日天下知與不知皆爲盡哀彼其忠
實心誠信於士大夫也諺曰桃李不言下自成蹊此
言雖小可以諭大也

